



Ka mamu atusseshtakau Tipelimitishun
Ka ui pkuhitishunanutsh Pekuakamiulnuatsh

KASSINU KATSHI ITUANUATSH KANATAPISHTATUNANUATSH ATUSSEUN 1

Alamutamuna: Ushkatsh aimun, uelutishiuna, milu-ilniuna kie
tipelimitishuna ilnu-tshishpeuatomuna

Tshishe-pishim^u 2020



TSHE ALAMUTAKANITSH

USHKATSH UIHTAMUEUN	3
TAN ITASHUTAU KA PETSH UITISHUETAU	4
USHKATSH KA ATUSSESHTAKANITSH KA UI PUKUHITISHUNANUATSH TIPELIMITISHUN	5
Tshekuan mahk ne shuk ui tutakanitsh	5
Ka mamu atusseshtakau Tipelimitishun utatusseunuau	5
Kanatapishtatunuanuatsh mamu kassinu ilnuatsh.....	6
a) Natshishkatun tshetshi aimihitunuanuatsh kie tshiue-aimihitunuanuatsh mamu aiapishish uashka-aimihitunuanuatsh ashitsh nitshenitsh ka atusseshtakau Tipelimitishun.....	6
b) Tshiue-kuetshimueun nite atusseu-katshitapahtakanitsh.....	7
c) Natuelitakanu maminelitamun-mashinahikan mahk tan itelitakanitsh	7
NISH ^u KA ATUSSESHTAKANITSH KATSHI ISHPALITSH, TAN KATSHI ATUSSANUATSH KIE MAMUSHTAKANU KA PETSH ITUANUATSH	8
Katshi ishpalitsh kie e pushupalinuanuatsh e natshishkatunuanuatsh	8
Tan eshi kanuelitakanitsh kie ua ituanuatsh aimuna ka petsh peshtinakanitsh	8
Kassinu mamushtakanu ka ituanuatsh	9
NISHT ^u KA ATUSSESHTAKANITSH KUKUETSHIMUEUN NITE ATUSSEUN-KATSHITAPATAKANITSH	23
Tan ishinakushutau kapashtinikau utaimunuau	23
Kassinu kauluipalitakanitsh katipahikanitsh	23
EUKUAN ISHKUATSH UME MASHINAHIKAN ATUSSEUN KIE TAN KATSHI ITELITAKANITSH KAUAPATALIUANUATSH NANE 14 PISHIMUSS 2019.....	27

USHKATSH UIHTAMUEUN

Ume e mashinatahikanitsh mashinahikan-atusseun uhtsh ushkatsh atusseun ne kanatapishtatunuanuatsh, kassinu aimuna ka petsh ituanuatsh tshitapakanipan papeik^u nite assihtsh ka natshishkatunuanuatsh kie papeik^u tshishik^u, nitshenitsh Pekuakamiulnuatsh Peikuitsh ka ishiliutau ka natapishtuakanitau, kie mahk apatelitakunipan aimuna kamashinatahakanitsh kaituetau eshi maminelitekau nitshenitsh kanatshishkuakanitau kauishamakanitau miam nitshenitsh ka mamu tutakau aitunilu. Ume atusseun mashinateu kassinu katshi mamushtakanitsh ka petsh ituanuatsh papeik^u kuetshimueun kie papeik^u aimun ka ui nanitu tshisselitakanitsh.

Ka eshi atusseshtakanitsh ume tshetshi tshisselitakuatsh tshekualu kapetsh ituanunilitsh mamushtakanipan aimuna mitshetbau ka alamutakanitsh kie mahk tshetshi milu-tipapahikanitsh kaituanuatsh, tshetshi miam itushtetsh kie nanahku kamaminelitakanitsh.

Ka mamu atusseshtakau Tipelimitishun apu tshi milu-nanitu tshisselitakau nelu aimunilu kapetsh uitakau nitshe kaitishiuetau e tshiashpitishimutau uhtsh kaishinikatetsh scientifiques indépendantes, kie apu tshitipapahikanilitsh katshi ishpalitsh. Kie mahk, ka mamu atusseshtakau Tipelimitishun apu tshi anuelitakau aimunilu e miluakue ka petsh ituanunilitsh anitshenitsh ka petsh uitishiuetau, muhk mahk uil takuan tshetshi apatelitakau tan katshi ua ituanunilitsh kie tshetshi uluipalitakanitsh tanitetshe ua itutanunilitsh kie nehi tapishkuatsh e maminelitakanilitsh kie eka tapishkuatsh itelitakanilitsh.

Ka mamu atusseshtakau Tipelimitishun

TAN ITASHUTAU KA PETSH UITISHIUETAU

KANATSHIPISTATUNANUATSH

TANITE MIAM	TSHEK ^U TSHISHIK ^U	AUENITSHENITSH	TAN ITISHUTAU
Mashteuiatsh	22 uashtessiu-pishim ^U 2019	Uauitishitutau	9
Alma	23 uashtessiu-pishim ^U 2019	Kassinu	4
Dolbeau-Mistassini	23 uashtessiu-pishim ^U 2019	Kassinu	0
Jonquière	24 uashtessiu-pishim ^U 2019	Kassinu	4
Chicoutimi	24 uashtessiu-pishim ^U 2019	Kassinu	3
Mashteuiatsh	30 uashtessiu-pishim ^U 2019	Kassinu	3
Mashteuiatsh	2 takuatshin-pishim ^U 2019	Kassinu	2
Mashteuiatsh	4 takuatshin-pishim ^U 2019	Puakuteu	8
Montréal	9 takuatshin-pishim ^U 2019	Kassinu	16
Québec	10 takuatshin-pishim ^U 2019	Kassinu	6
Mashteuiatsh	12 takuatshin-pishim ^U 2019	Katshitapatakanitsh atusseun	-
Mashteuiatsh	12 takuatshin-pishim ^U 2019	Kanehluetau	1
Mashteuiatsh	13 takuatshin-pishim ^U 2019	Ka atusseshtatishutau	3
Mashteuiatsh	18 takuatshin-pishim ^U 2019	Ussinitshuatsh	3
Mashteuiatsh	21 takuatshin-pishim ^U 2019	Tshishelnuatsh	3
Tan itashutau kassinu e mamu alakanitau			65

USHKATSH KA ATUSSESHTAKANITSH KA UI PUKUHITISHUNANUATSH TIPELIMITISHUN

Tshekuan mahk ne shuk ui tutakanitsh

Ne shuk ua tipelimitishutau, Pekuakamiulnuatsh Peikuitsh ka ishilniutau shuk ui kashtinamuatsh tipelimitishunilu. Ne tshetshi ishpalitsh, mishta-mashinahikan ka ishinikatetsh Charte sur le mode de fonctionnement d'une Commission tshitapuehtakanu tshetshi takuatsh ne nitshenatsh Katakuhimatsheta nane 17 nissi-pishim^u 2019.

Minuatsh ume, tshetshi muhk ui mashinatuhutishit auen ka utshimaukanuatsh nane 25 nissi-pishim^u 2019 ka mamu atusseshtakau Tipelimitishun tshimilakanipanitsh. Nishuatsh itashuatsh ka mamu atusseshtakau Tipelimitishun kie mahk tshipa nishtuatsh takuhikanissatsh kie neu Pekuakamiulnuatsh Peikuitsh ka ishilniutau. Ne aimun Tipelimitishun ua ituanun « tshi tipelimitishunanuatsh ».

Ka mamu atusseshtakau Tipelimitishun utatusseunuau

Ka mamu atussetau Tipelimitishun utatusseunuau tutamuatsh alu tshetshi takunilitsh tshiue-aimihitishunanuatsh kie mamu aimihitunanuatsh mamu ashitsh Pekuakamiulnuatsh Peikuitsh ka ishilniutau mahk tshipehtakunilitsh utaimunuau, ukushpinelitamunuau kie tan itelitakau tshetshi mashinatahikanilitsh ne shuk ka ui tutakanitsh Tipelimitishun kie tshetshi mashinatuhutishunanuatsh ka ishinikatetsh référendum.

Utatusseunuau eukuan umelu takuanilu tshimamuhatau ilnuatsh tshetshi uauhtamuatau tshetshi milu-tshisselitakanilitsh kie nanitu natshishkuatau Pekuakamiulnuatsh Peikuitsh ka ishilniutau tshetshi kukuetchimuatau tan itelitakau nelu ui tipelimitishunanunilitsh kie mahk tshetshi tshishtin mashinatahikanitsh ne atusseun Tipelimitishun miam ka itelitakau Pekuamiulnuatsh katshi uauhtakau papeik^u ne ka neukau atusseuna katshi tutakanitsh ushkuhupishim^u 2019 luash pishimuss 2020.

Mashtel tshe ishpalitsh, miam tshitshishtapalitakanitsh ne atusseun, Ka mamu atusseshtakau Tipelimitishun tshika takuanilu tshetshi milatau utilnimuau nelu tshe tshishimashinatahikanilitsh mashinahikan-atusseun tipelimitishun Pekuakamiulnuatsh Peikuitsh ka ishilniutau utipelimitishunuau kie tshetshi tutakau mishta-mashinatuhutishun référendum ka ishinikatetsh ne kalupua ka atusseshtakanitsh tipelimitishun.

Kanapishtatunanuatsch mamu kassinu ilnuatsch

- a) Natshishkatun tshetshi aimihitunanuatsch kie tshiue-aimihitunanuatsch mamu aiapishish uashka-aimihitunanuatsch ashitsh nitshenitsh ka atusseshtakau Tipelimitishun

Ushkatsh pitama nane 14 ushkuhu-pishim^u 2019, ka mamu atusseshtakau Tipelimitishun tutamupanitsh ute Mashteuiatsh, mamuhitunilu tshetshi tshisselitakanilitsh tshe tshitshipalitaunelu ushkatsh atusseun natapishtatunilu kie katshi uishamuetau tshetshi takushintau ilnuatsch. Uiesh kutuashtelnu itashupanitsh ilnuatsch ka itutetau.

Eukuan mahk nite miam, ka mamu atussetau Tipelimitishun tshitshipalipanitsh tshe nanitu natshishkuatau Pekuakamiulnuatsch Peikuitsh ka ishilniutau. Tshetshi ishitalitsh kie tshetshi kassinu ilnuatsch tshe tshisselitakau, takunipan tshetshi tutakanitsh natshishkatuna tshetshi aimihitunanuatsch kie tshiue-aimihitunanuatsch mamu uashka-apinanuatsch eka mitshetunanuatsch, ute ilnu-assihtsh, uashka ilnu-assihtsh kie mishue Uepishtuekueiatsh assihtsh, kie mahk tshetshi nanitu natshishkuakanitau nitshenitsh ka mamu atussetau Tipelimitishun Mashteuiatsh.

Takunipan tshetshi tshitapatakanitsh mishue Uepishtuekueiau-assihtsh tanite miam tshipa apuatsh ilnuatsch kamashinashutau ute Pekuakamiulnuatsch Peikuitsh ka ishilniutau tshetshi nanitu natshishkuakanitau. Eukuan mahk ne, uashka-aimihitunaniupan kie tutakunipan assihtsh kamashinatekau ume : Mashteuiatsh, Alma, Dolbeau, Jonquière, Saguenay, Québec mahk Montréal ka ishinikatekau.

Kie mahk, ishitishakanipan mashinahikanilu papeik^u kassinu ilnuatsch nite ka apitau assihtsh tshi nitu natshishkuakanitau. Kie papeik^u kassinu ilnuatsch kashtinamupanitsh mashinahikanilu tshinatshishkatunanuatsch ute Mashteuiatsh kie mahk nitshenitsh ka nehluetau, tshetshi uishamakanitau tshinatshishkatunanuatsch tshishauetshishtakanipan tshekuan tshe alamutakanitsh papeik^u tshinatshishkatunanuatsch.

Tshe natshishkatunanuatsch takunipan tshetshi Peikuitsh ishinakuatsh tshetshi kalupua milakanitau tapishkuatsh aimunilu nitshenitsh ka petsch uitishiuetau, muhk nite katshi itutetau e ui nitu uitishiuetau kie kuetshimakanipanitsh miam ka eshi kukuetshimuetau mishue aitsh. Ka mamu atusseshtakau Tipelimitishun uilua tshi nitu aimihieuetsh ka natshishkatunanunilitsh ashitsh nitshenitsh Pekuakamiulnuatsch Takuhikan ukuhpaniemuau nitshenitsh ka atusseshtakau Katakuhimatsheun kamashtuepalitakanitsh pakassiun Ilnu Tshishe Utshimau. Tapanitsh auenitshenitsh ka mashinatahakau ka ituananunilitsh papeik^u kanatshishkatunanunilitsh tshetshi nitshenitsh ka mamu atussetau Tipelimitishun mashinatahakau mashinakan-atusseunilu.

Kassinu mekuatsh kanatshishkatunuanuatsh ne ushkatsh atusseun ka tutakanitsh, passe natshishkatuna ka mamu aimihitunuanuatsh kie katshiue-aimihitunuanuatsh milakanipanitsh nitshenitsh ka mamu tutakau tshekualu kie naushunakanipanitsh kie nitshenitsh ka ituelitakau tshetshi mamu natuapamakanitau kamamuhitutau auenitshenitsh makie papeik^u auenitshenitsh kakuetshimuetau.

b) Tshiue-kuetshimueun nite atusseu-katshitapahtakanitsh

Tshetshi alu mashtuepalitsh natshishkatuna, kukuetshimueun tshi ashtakanu nite atusseu-katshitapatakanitsh tshetshi ilnuatsh ua pashtinakau tan itelitakau mekuatsh e takuatsh natshishkatun. Ne mahk katshi kanuelitakanitsh ka ituanuatsh, ka ui tipelimitishunuanuatsh tshipatshi milushtakanu kie mahk tshetshi itishtetsh miam ka ituetau ilnuatsh.

c) Natuelitakanu maminelitamun-mashinahikan mahk tan itelitakanitsh

Kie mahk etatu tshe tutakanitsh nanahku eshinakuatsh mamu natshishkatuna, ilnuatsh Peikuitsh ka ishilniutau, ka mamu ahitutau, ka mamu apitau makie ka mamu atussetau tshipatshi nane kie tshipatshi eshk^u ui itutatau maminelitamun-mashinahikan makie ui ishitishamuetau tan itelitakau tshetshi uauitakau tshekualu shuk eiapatelitakau kie tan itelitakau nelu nanahku atusseuna ne kanatshishkatunuanuatsh ua tipelimitishunuanuatsh.

NISH^U KA ATUSSESHTAKANITSH KATSHI ISHPALITSH, TAN KATSHI ATUSSANUATSH KIE MAMUSHTAKANU KA PETSH ITUANUATSH

Katshi ishpalitsh kie e pushupalinanuatsh e natshishkatunanuatsh

15 natshishkatuna ka mamu aimihitunanuatsh tutakanipan mekuatsh kapamipanitsh ushkatsh atusseun. Ka mamu atusseshtakau Tipelimitishun natu natshishkuepanitsh ilnuatsh ka mashinashutau ute mitshenipan kakusseshiu assitsh ka itutetau. Eukuan mahk ne natshishkuakanipanitsh alu 65 auenitshenitsh.

Kie mahk, ka mamu atusseshtakau Tipelimitishun nitu natshishkuepanitsh 7 auenitshenitsh papeik^U makie mamu peikutenu. Utaimunuau tshimashinatahakanilu nite ume mekuatsh ka atusseshtakanitsh mashinatahikan. 4 kutaka katshi uauhtakanitsh aimuna nishtupanitsh auenitshenitsh nelu ka ishitishakau nite ka takuatsh Web ka ishinikatetsh ka mamu atusseshtakau Tipelimitishun kakanuelitakau makie kie ka ishitishamuetau atusseu-tshitapakanitsh. Peik^U auen tshi petsh uihtam^U tan tshipa ituanunilu nite ushkatsh aimun.

Tan eshi kanuelitakanitsh kie ua ituanuatsh aimuna ka petsh peshtinakanitsh

Ushkatsh, takunipan tshetshi tshishtin kassinu mamushtakanitsh aimuna nelu ka mashinahatakau auenitshenitsh e ituanunilitsh, kie mamushtakanitsh ka ituanuatsh papeik^U kukuetshimueun, tshetshi ishpitelitakanitsh tan katshi shuk ituanuatsh tshetshi eshi atussanuatsh kie mahk, tshetshi milu-tapuatakanitsh tshetshi kassinu ka itshishtetsh tshetshi tapuetakanitsh.

Ne eshpish mitshenikau ka mashinatahaku aimunilu nitshenitsh kamashinatshetau kassinu katshi ituanuatsh kie katshi mashinatahakanilitsh, 5 itshishtinupan ka mishta-apatelitakuatsh aimuna uluipelitakanipan kie mamushtakunipan ume :

- Ilnu-aimun kie ilnu-aitun
- Assi kie uashka e tshitapakanitsh
- Matinuanun, ishpitelitamun, uitishiueun kie tapishkuatsh eshi tshitapamakanit auen
- Ashu pashtinekanitsh tshisselitamun, auassatsh/ussinitishuatsh, ussinitishuatsh kuessipan tshi atussetau, peikutenu mahk tshishkutamatsheun
- E shutshelimitishunanuatsh nite ui mashinatuhutishunanuatsh (kassinu ilnuatsh)

Ne papeik^u kukuetshimueuna, ne ka ui nanitu tshisselitakanitsh naushunekanipan, muhk ne ka alamutakanitsh kassinu tshekuanihi kie kutaka atusseuna nite ka takuatsh tshitshisselitakuatsh mashtel ka neukau kuetshimueuna. Ne kapashtinekanitsh aimuna nanahku ishinakunipan kie mahk utinamupanitsh aimunilu muhk ua ituanuatsh, kie nite takuan tapishish katakuatsh « Kutaka aimuna ».

Ne mahk kukuetshimueuna 1 kie 2, apu tshinuatsht ka mashinatahikanitsh muhk milu-uihtakun tan kaituanuatsh kie tshekuan kauilupalitsh alu e apatitsh kassinu kaituanuatsh. Ne mahk kukuetshimueuna 3 kie 4, kassinu ka ituanunilitsh mashinatahikanipan papeik^u aimun muhk usham takunipan tshetshi uauhtakanitsh tipelimitishuna kie ushkatsh ui nashekanitsh e iapatitsh.

Kassinu mamushtakanu ka ituanuatsh

KUKUETSHIMUN 1 - Ne ushkatsh aimun tshe uihtakuatsh eukuanitshe tshe mishta-apatelitakuatsh miam tshissinuatshtashun nite mishta-Tipelitamunitsh, usham eukan nite tshe issishuemikatsh tan ishinakushik tshilanu mamu e tshitamitshuik. Tan itelitemek tshiluau, takuan a e iapatitsh tshekuanahi (uelutshiuna, e nashimuk e iapatitsh) e mashtuepalitakanitsh makie tshitshue e tapuetakanitsh nite mekuatsh e atusseshtakanitsh ne ushkatsh aimun tshe uihtakuatsh, ka mashinatahakau nitshe ka mamu tshitapatakau kanehluetau?

Katshi tapuatakanitsh ne ushkatsh aimun, nanahku itelitakanipan anitshenitsh ka uashka-apitau e aimihitutau. Ka mamu atussetau Tipelimitishun ka aimihuetau tshi kuishk uihtamuatsht nelu ushkatsh aimun nehlushtakanipan pitama eshkueka mishtukushiutakanitsh tshetshi mishue pehtakuatsh. Mishta-ishpitolitakunipan tshetshi nishtutakuatsh aimun mahk nite uashka katshikamuatsht.

UELUTISHIUNA MAHK KANASHEKANITSH TSHETSHI MILU-ILNIUIK

Ilnu-aimun mahk ilnu-aitun

Kassinu auenitshenitsh tapuetamupanitsh tshetshi uapatakanitsh ne nehluen e nikanishtakanitsh mishue e atusseshtakanitsh. Tapue ishinakun e mishta-apatelitakuatsh tshetshi tshishkutamatishunanuatsh e nehluenuanuatsh kie ashpitishumunanuatsh nite ilnu-aitunitsh, muhk mahk tshetshi ishpalitsh tshika takuan tshimishkakanitsh tshishkutamatsheun uanisse kie napemishtetsh tshetshi tietsht uatshishkutamatishitau kassinu ilnuatsht, aht ma ute e apitau makie e apitau aitsh assihtsh.

Assi mahk uashka nite e tanuatsh

E tshitapakanitsh assi nishen eshi tshitapakanitsh : passe itueuatsh tshitassinu tshitipelitenanu, kie mahk kutakatsh uiluau itueuatsh tshitipelimikunu assi. E tshitapakanitsh uelutishiuna mahk kanashekanitsh tshetshi milu-ilniunanuatsh, ne assi mishta-apatelitakanipan eukuan ka ituanuatsh. Kuketshimuanun ne ka ituanuatsh e tipelitakanitsh tshekuan; passe kakanuelitakau utassiuau, kutakatsh apu nass tshikushpitau makie kie apu uanisse tshikushpitau nanukutin muhk.

Matinueun, ishpitelitamun, uauitishitun kie tapishkuatsh eshi tshitapamakanit auen

Kauauitishitunanuatsh, kaminuanuatsh kie kaishpitolitakanitsh eukuan ne uelutishiuna katshishkutamakuik ka auassiuik luash anutshish. Ne uauitishitun taship tshikanuelitenanu. Ne ishpitelitamun, tshilanu mamu tshishpitolimitishunanu kie mahk ashitsh kutakatsh auenitshenitsh kie kutukatsh ilnuatsh Peikuitsh ka ishilniutau. Matinueunuatsh tshuelutishiunua, eukuan ne tshuelutishiuanuatsh tshitilnimumuatsh. Tipatshimushtakanipan katshi uitishiuanuatsh kie katshi matinueunuatsh : miam ume, peikutenuatsh tshushimutueuatsh kutakanitsh e kuhkutetau. Kie ituanipan tshetshi tapishkuatsh eshi tshitapamakanitau ishkuue mahk nepeu kie tshetshi mamu uitishitunanuatsh nepeu mahk ishkuue, muhk mahk alu anitshenitsh ute ka apitau mahk eka ka apitau ute.

Ashu pashtinekanitsh tshisselitamun, auassatsh/ussinitishuatsh, ussinitishuatsh kuessipan tshi atussetau natshehash, peikutenu kie tshishkutamatsheun

Ne peikutenu maminelitshikan alamutakanipan niteshe ka atusseshtakanitsh Ka atusseshtakau ne tan ne anuhtshish eshinakuatsh; ituanun tshetshi ishpitolitakanitsh ne. Mitshetuatsh auenitshe, auassatsh utapunau takunilu tshetshi utinimatishutau; eukuan nitshenitsh tshi petsh uitishuetau natshehash. Takuan kie tshetshi apatelitakanitsh ne peikutenu nite kassinu atusseunitsh. Ne mahk uil tshishkutamatsheun, takuan tshetshi shutshellitakanitsh tshetshi eshk^u ilniumikanitsh ilnu-aitun.

Shakutshiteieshkakanitsh tanite e mashinashit auen (kassinu ilnuatsh)

Passe alamutamuatsh nelu e shakutshiteieshkakanitsh tanite ui mashinatahutishunanuatsh, kassinu auenitshenitsh itelitamuatsh eka nass tapuetuakanitau tshetshi petsh ilnu-mashinashutau ute ilnussitsh.

Kukuetshimunanun tan luash eshpish shutishimikanitsh tshitipelimitishunu e tshitapatakanitsh tipelimitishun tshetshi kassinu mashinashutau Ilnuatsh Peikuitsh ka ishiliutau. Kushtakanu tshetshi eka eshpish shutishimikatsh.

MAMU TAPISHKUATSH ISHINAKUSHINANUATSH

Ilnu-aimun kie ilnu-aitun

E tshitapatakanitsh ne mamu tapishkuatsh ishinakushinanuatsh, passe kukuetshimishuatsh eshk^u e mishta-ilnu-aiminanunilitsh. Passe itelitamuatsh e mishta-launakunilu ne tshi ishpalitsh. Kie e tapuetatishunanuatsh alu mishta-apatelitikuan kie alu mitelitikuan nitetshe ilnu-aitunitsh eka uil ne muhk tshiam ilnu-aimun. Ne ilnu-aimun mishta-apatun uesh an nite ilnu-aitunitsh kie tshetshi eka unititsh. Takuan tshetshi alu nehluanuatsh.

Assi kie uashka e tanuatsh

Ne e tshitapatakanitsh e tipelitakanitsh assi takuan tshetshi mamu tapishkuatsh ishinakushik tshe eshinakuatsh. Ume ituanun ilnuatsh ei nitshenitsh kanakatshitatau mauatsh uil katipelitakau assilu. Muhk mahk uil kassinu itelitamuatsh tshetshi alu tshishpeuatakanitsh assi.

Matinueun, ishpatelitamun, uauitishitun kie tapishkuatsh eshi tshitapamakanitsh auen

E tshitapatakanitsh nitetshe kaishinikatekau constitutions canadiennes mahk américaines, kukuetshimishunanun tan tshe eshinakuatsh tshishpeuatomun e tshitapamakanitau auenitshenitsh, ne ilniun-tipatshimun, uashka mishue e ilniumikanitsh. Ne kakashtinamuk tshisselitamuna takuan tshetshi ishinakuatsh mamu e matinimatishuik.

Ashu pashtinekanitsh tshisselitamun, auassatsh/ussinitishuatsh, ussinitishuatsh kuessipan tshi atussetau natshehash, peikutenu kie tshishkutamatsheun

E tshitapatakanitsh ne ashu pashtinekanitsh tshisselitamun, ussinitishuatsh kuessipan tshiatussetau natshehash, kushpinelitakanu e nehluetshishkutamuakanitau auassatsh. Kau e tshitapatakanitsh tshe mashinatetsh ushkatsh aimun, tshisselitikuan eka nass alamumakanitau aussatsh/ussinitishuatsh.

Shakutshiteieshkakanitsh e ui mashinashit auen (kassinu ilnuatsh)

Kukuetshimunanun nite ushkatsh aimun e alamutakanitau ilnuatsh aitsh assitsh ka apitau. Ute tshilanu kataik mitshetuatsh ilnuatsh Peikuitsh ka ishilniutau miam anitshenitsh ka ishinikatakanitau Abénakis, Atikamekw, Cris. Nitshenitsh aitsh assitsh ka apita miam uhtshilnuatsh itelimitishutau usham apu tatau ute taht tshishik^u. Passe itueuatsh e nishtunakau apishish makie eka nass tan eshi ilniut ilnu, ilnu-aimuna kie kutaka ilnu tshekuanishi. Kau minuatsh Ituanun ute ne tipelimitishun kassinu ilnuatsh Peikuitsh ka ishilniutau tshipa mamu tipelimitishuatsh, mauatsh uil muhk Pekuakamiulnuatsh nelu.

ASHU PASHTINEKANITSH TSHISSELITAMUN

Ilnu-aimun mahk ilnu-aitun

E tshitapakanitsh ashu pashtinekanitsh tshisselitamun, ituanun tshetshi shutishiteieshkakanitsh ne nehluen. Ne nehluen Ituanun ua kanuelitakanitsh tshetshi ilniumikanitsh taship tshika takuan tshetshi utinekanitsh atusseun tshetshi tshishtin ishpalitsh. Ilnu-aimun takuan tshetshi apatelitakanitsh nite tshitilnu-aitunu, takuan tshetshi uipatsh pehtakuanilitsh nite e tatau auassatsh. Mitshetuau ituanun apu uanisse tshi tshishkutamatishunauatsh.

Assi mahk uashka e tanuatsh

Miam ne ilnu-aitun kie mahk ilnu-aimun, apu uanisse tshi itutanuatsh nuhtshimitsh. Eukuan mahk nite alu e shapitelitakuatsh e ashu pashtinekanitsh uelutishiuna mahk tshisselitamuna, takuan tshetshi tshishtin kie tshetshi ushkatsh tshishpeuatakanitsh.

Matinueun, ishpitelitamun, uauitshitun kie tapishkuatsh tshitapamakanitau auenitshenitsh

Uauitshitun, matinueun, ishpitelitamun katshishkutamakuik e auassiuk luash anuhtshish. Tshika takuan tshetshi ashu pashtinekanitsh ne uelutishiuna.

Ashu pashtinekanitsh tshisselitamun, auassatsh/ussinitishuatsh, ussinitishuatsh kuessipan tshi atussetau natshehash, peikutenu kie tshishkutamatsheun

Ituanun tshetshi shutishiteieshkakanitsh tshetshi ashu pashtinekanitsh kassinu tshisselitamuna eshi kanuelitamuk. Takuan tshetshi nishtunakanitsh, muhk mahk kie tshe ashu pashtinekanitsh tshisselitamun. Takuan tshetshi alu nishtunakanitsh ilnu-aitun; tshitashineunu an; apu nass uhpime tshinakatakanitsh.

Shakutshiteieshkakanitsh e ui mashinashit auen (kassinu ilnuatsh)

Usham mishue aitsh assitsh e apinuanatsh, passe ilnuatsh itueuatsh apu uanisse tshinatuapatakau tshisselitamunilu. Tshipa miluelitamuatsh tshetshi tapuetuakanitau nitshenitsh ka apitau aitsh assitsh.

KUTAKA E ITUANUATSH

Tapuetamuatsh nitshenitsh kapetsh uitishiuetau tshetshi alu apatelitakanitsh ilnu-aimun. Muhk mahk uil, apu tshimilupalinuanatsh e ui tshishkutamatishunuanatsh. Apu muhk takuatsh ilnu-aimun; ituanun kie eshpish mishalitsh ushutishiunau Pekuakamiulnuatsh nitetshe uatutakau tshekualu kie uanisse e tutakau aht ma e aliminilitsh tshekualu. Ituanun ute ilnu-aimun eka mashinatetsh, tshika nipimikan ne ilnu-aimun.

Passe kushpinelitamuna alamutakanu: miam ne tshetshi tshishtin itashtakanitsh kamamushtakanitsh kaituanuatsh; kushpinelitamun e iapishish mashinatahikanitsh makie aitsh ituanuatsh. Kie mahk kueshtetshe, ituanun kie e kushpinelitakau umelu nitshenitsh katakuhimatshetau e petsh uitishiuetau e ui pukuhitishunuanatsh tshetshi tipelimitishunuanatsh, kie mahk e ituanuatsh tshetshi anuelitakanitsh, eka miam ituanuatsh ka ituanuatsh makie eka miam milu-utinekanitsh.

E tshitapakanitsh mahk ne ushatsh aimun, ituanun tshetshi tshishtin mashinatetsh tapuetatishun tshetshi tipelimitishunuanatsh, tshetshi tshishkutamatishunuanatsh, e tshetshi utshimau aiminuanatsh. Ne tapishkuatsh eshi tshitapamatishunuanatsh ashitsh nite ka ilniunuanatsh, ashitsh aueshishatsh, kie ituanun.

Kukuetchimun 2 : Tshilanu Pekuakamiulnuatsh e tshitapamitishuik tshekuan tshipa tshishtin tutenanu kie eshi tshitapamatishuik Pekuakamiulnuatsh tshetshi tshishtin taship ilniuik tshilanu ilnuatsh peikuitsh ka ishilniuik?

TSHETSHI TUTAKANITSH (TSHISHTIN)

Ilnu-aimun mahk ilnu-aitun

Mitshetuau ituanun tshetshi tshishtin tshishpeuatamuk ne nehluen kie tshetshi tshishtin ashu pashtinekanitsh tshisselitamun.

Assi kie uashka ituanuatsh

Apu shuk mitshetuau, ne e tshitapakanitsh assi taship ituanun e mamu tshikamuatsh ilnu-aimun mahk ilnu-aitun.

Matinimatun, ishpitelitamun, uitishitun kie tapishkuatsh e tshitapamatishunanuatsh

Mitshen milu-tutamuna kie tshetshi tshishtin tutakanitsh eukuan e alamutakanitsh ute. Eukuan mahk ne, takuan tshetshi eka nass tapuetamuk eka e milushkakuik tshekuan ume miam eka milu-tshitapamatuk tshishe-utshimauatsh kie tshilanu e tshitapamatuik. E ishpitelimitatishuik tshilanu eukuan ne ushkatsh e apatelitakuatsh. Ituanun tshetshi tshishikashunanuatsh ne kaishinikatetsh taxes tshetshi tshishtin atusseshtakuik tshitshishe-utshimauminu.

Takuan tshetshi nakutuelimitishuik, tshetshi tapishkuatsh tshitapamatishuik, tshetshi tshishtin takunilitsh utapunauu kassinu etishinanuatsh, tshetshi ua uitishiuenuanuatsh kie pushupalinanuatsh, tshetshi tshipiatakushtakanitsh e utshimaukanuatsh.

Ashu pashtinekanitsh tshisselitamun, auassatsh/ussinitishuatsh, ussinitishuatsh kuessipan tshi atussetau natshehash, peikutenu kie tshishkutamatsheun

Tshetshi milakanitau kassinu ilnuatsh tshitshisselitamuna. Tshetshi shaputuepalitakanitsh ilnu-aitun kie tshetshi ashu pashtinekanitsh tshisselitamun nelu tshituassiminuatsh. Tshetshi tshishpeuatakanitau tshitauassiminuatsh, tshetshi tshishtin pakassiuakanitau kie tshetshi mishta-milu-tutuakanitau tshetshi milu-nitautshitau.

Shakutshiteieshkakanitsh e ui mashinashit auen (kassinu ilnuatsh)

Tshetshi ashineuhikuik e Pekuakamiu-ilniuk. Kie tshetshi mishta-aitiuk, e mamu apinanuatsh ute ilnu assihtsh. Tshetshi tshishtin pushupalinanuatsh, e ashu pashtinekanitsh tshisselitamun. Tshipa takuan tshetshi tshitapatakanitsh ne tshitapuetuakanitau kakusheshatsh ute ka apitau ilnu assihtsh (ka mamu utapamitutatau). Ume e tshitapatakanitsh e ishinakushunanuatsh, tshetshi eka shuk apatelitakanitsh ilnu-kalu (atshitashun) kie tshetshi mishta- apatelitakanitsh uelutishiuna. Tshetshi milu-ituanuatsh tan tshipa ishinakushu Pekuakamiulnu.

TIPELITAMUNA

Ilnu-aimun mahk ilnu-aitun

E tshitapatakanitsh tipelitamuna, mitshetuatsh ka alamutakau e unititsh tshisselitamuna; ituanun tshetshi uitishakanitau ka mamu atusseshtakau makie kapeikututatishitau auenitshenitsh shuk kauikatshitinikau nelu. Tshipa takuan tshetshi

ashinehikuik ne ilnu-aimun muhk apu auen tshishkutamatshet; tshipa takuan shuliau-miush tshetshi tutakanitsh. Kau ituanun takuan tshetshi tietsh tutakanitsh eka ashupatakanitsh tshetshi ushumitutaik ilnu-aimun. E nehluetshishkutamatishunanuatsh papeik^u ilnu utipelitamun nelu kie mamu tipelitamun.

Takuan tshetshi ilnuatsh uapataliuetau e kaitishiuesht.

Assi kie uashka itanuats

Tshi ashu milukunuats ne assi; takuan tshetshi tshishpeuatakanitsh. Eukuan uesh ne assi e apatitsh tshetshi ashu pashtinekanitsh tshisselitamuna. Takuan tshetshi ituanuatsh, e ilniuk nite kie tshishpeuatumuk kassinu ishpish ishinakuatsh assi. takuan tshetshi nakutuelitamuk assi, kie mahk ne uashka nite e tanuatsh.

Matinimatun, ishpitelitamun, uitishitun kie tapishkuats e tshitapamatishunanuatsh

Takuan tshetshi ishpitelitamuk papeiku ilnu-tipelitamuna kie mamu tipelitamuna. Takuan tshetshi tutamuk tshuelutishiunu, tshilanu muhk ishinakushiuk.

Ashu pashtinekanitsh tshisselitamun, auassatsh/ussinitishuatsh, ussinitishuatsh kuessipan tshi atussetau natshehash, peikutenu kie tshishkutamatsheun

Papeik^u auen takunilu tshetshi ashu pashtinik utshisselitamuna kie e nishtuapatak tshekualu kassinu itishunanuatsh ute ilnu assihtsh. Kie ashu pashtinekanitsh tshisselitamun ashineu-tipatshimuna, atalukana, ilnu-aimun.

Shakutshiteieshkakanitsh e ui mashinashit auen (kassinu ilnuatsh)

Ume kaituanuatsh man e mamuhitunanuatsh eukuan ne alu e shutishinanuatsh, takuan tshetshi mamu milupaluituik. Kie takuan tshetshi uitishiuek, tshetshi aimiuk. Takuan tshetshi alu uitishiuetau nitshenitsh aitsh assihtsh ka apitau, tshetshi alu tshisselitakau tshekualu, tshetshi tshishtin ashu pashtinekau tshisselitamunilu. Takuan tshetshi uishamakanitau ilnuatsh aitsh ka apita tshetshi petsh uitishiuetau. Muhk mahk kie, takunilu uiluuu papeik^u tshinanitu tshisselitakau.

KUTAKA KAITUANUATSH

Ilnu-aimun mahk ilnu-aitun

Ituanun ne e mashtuepalitakanitsh pakassun tutakanu eka nass ishpitelitakanitsh ne eshinakushiuk. Kushpinelitakun tan tshe ishinakuatsh tshitilnu-aitunu. Takuan tshetshi alu tutakanitsh tshetshi nishtunakushiuk; e

mishtukushiu ituanuatsh Pekuakamiulnu, eukuan ume ua ituanuatsh « ilnuatsh kailniutau uhtsh pahkuakamitsh ».

Assi kie uashka ituanuatsh

Mishau atusseun tshetshi tutakanitsh nitetshe e uauapatakanitsh uashka mishue e tanuatsh kie ne assi, muhk ma utinamuk tipipishimuan tshetshi maminelitamuk. Ne assi tshipa ishinakuan tshetshi tshiam milu-ilniunuanuatsh e tutakanitsh ilnu-aitun.

Matinimatun, ishpitelitamun, uitishitun kie tapishkuatsh e tshitapamatishunuanuatsh

Ituanun tshetshi alamutakanitsh ne ishinikatetsh citoyenneté nite ishpitelitakanitsh uelutishiuna. Tan mahk tshipa tutekanu tshetshi nashumuk ne uelutishiuna; tan eshi nishtutakuatsh?

Ashu pashtinekanitsh tshisselitamun, auassatsh/ussinitishuatsh, ussinitishuatsh kuessipan tshiatussetau natshehash, peikutenu kie tshishkutamatsheun

Ituanun tshe tutakanitsh miam Uepishtukueiau Tshishe-Utshimau kie Canada Tshishe-Utshimau e tshitapamatau ute e petsh uitishitau nitshenitsh aitsh ka uhtshitau. Takuan tshishkutamatsheun kie uauitishakanitau tshetshi tshisselitakau tan tshipa nashumuatsh uesh tshipa takunilu tshetshi natuapatakau uanisse nitshenitsh ussi-ilnuatsh.

Shakutshiteieshkakanitsh e ui mashinashit auen (kassinu ilnuatsh)

Mitshen kaituanuatsh ume nitshenitsh ilnuatsh aitsh ka apitau kaituetau kie mitenelitamuatsh apishish uhpime e alakanitau. Eukuan mahk ne kuetshimueuatsh tshetshi takuanilitsh tshishkutamatishun miut tshetshi tshisselitakau auen ne Pekuakamiulnu tan itashut. Kukuetshimitishunanun tan tshipa pushupaluatsh kie tshetshi alu petsh uitishiuetau nitshenitsh Pekuakamiulnuatsh aitsh ka apitau.

KUKUETSHIMUN 3 : Tshék tipelimitishun tshipa itelitenanu tshetshi shutishpalitakanitsh kie tshetshi tshishpeuatamuk nite tshi mishta-Tipelimitishunu? Tshékuan mahk?

PEKUAKAMIULNUATSH UTIPELITAMUNUAU KAISHPITELITAKUNILITSH

Ute papeik^u muhk ituanun nehi tipelitamuna ishpiteltakunilu e iapatelitakau Pekuakamiulnuatsh :

Ilnu-aimun mahk ilnu-aitun

- Takuan tshetshi kanuelitakanitsh tipelimitishuna ka alamutakanitsh ilnu-aituna.
- Tshetshi ilnu-ilniunanuatsh nite mishue e atussanuatsh. Tshetshi piminuanuatsh kie mitshinanuatsh nuhtshimiu-mitshiminu.
- Tshetshi ilniunanuatsh muhk ua eshilniuin, e peikussinuanuatsh kie mahk mamu itanuatsh.
- Tshetshi kau kashtinimuk tshitilnu-aitunu, e eishinakushuik.
- Tshetshi nituapatamin uanisse anishkutape tshisselitamun, tshetshi nituapatamin uanisse tshuitiliutishiunu ka uapatakanitsh kie eka kauapatakanitsh.
- Tshetshi niashpitsh utinamuk ne ushkatsh aimun; tshetshi Pekuakamiulnu ashinet.
- Tshitilnu tipelitamunua nitetshe ilnu-aituna kie tshitanishkutape-uelutishiuna.
- Tshetshi tshishtin nishtuapatakanitsh ne nehluen; ushkatsh tipelimitishun. Tshetshi ushkatsh eishi ashpitishimunuanuatsh ne nehluen.

Assi kie uashka e tanuatsh

- Tshetshi nanakatuvelitakanitsh mishue uashkat nanahku eishinakuatsh kie ka ilniumikatsh.
- Nite uashkat mishue mishta-apatelitakuatsh uesh ne takuan tshetshi tshishpeuatamuk kie ishpitelitamuk kassinu eishinakuatsh ilniun.
- Tshetshi nituhunanuatsh, kussanuatsh kie tishulakanitshanutsh.
- Tshetshi uanisse kushpinanuatsh kassinu auenitshenitsh.
- Tshetshi maushanakanitau aeshishatsh muhk ua maushanakanitau
- Tshetshi eka tapuetakanitsh e tshimipitakanitau mishtakuatsh.
- Tshetshi takuhikanitsh assi.
- Tshetshi milu-ilniumikanitsh uashka nite assitsh.
- Tshetshi tshipiatakushtakanitsh e utshimaukanuatsh, unisse itutanuatsh, nite nuhtshimitsh. Tshipa ishinakun tshetshi tshipiatakushtakanitsh muhk nite e tanuatsh.
- Tshetshi tutakanitsh tshitshisselitamunua e aitunanuatsh kie e ishinakushik.
- Tshetshi uanisse nituapatakanitsh eshi apashtaik.
- Tshetshi likuashkakuin nuhtshimitsh, e nituelitakanitsh.

Matinimatun, ishpiteletamun, uitishitun kie tapishkuatsh e tshitapamatishunauatsh

- Tshetshi mashtuepalitaik tshitshishkutumatishunu e tipelimitamuk, tshi uitshinauatsh, tshikamakunueshiminuatsh. Tshetshi kau kashtinamuk ka eishi tipelitamuk kie tshetshi ishinakuatsh miam eshi ilniuk.
- Tshetshi miluelimunauatsh uiatsh, shakutshiteieshkatun, ilnu-aimiheun kie maminelitshikan.
- Tshetshi miluanuatsh miluelimun e eishi apashtain tshetshi mililniuin.
- Tshetshi uitishiuauatsh shuliau e ui apashtakanitsh.
- Tshetshi nanahku ishinakushinuanatsh, tshetshi Peikuitsh ishinakushinuanatsh
- Tshetshi nanakutuelimakanit papeiku auen kassunu ilnuatsh.
- Tshetshi tapishkuatsh tshitapamatunauatsh.
- Tshetshi uaueshtatishunauatsh, milu-ilniunauatsh.
- Tshetshi milu-kashtinekanitsh tan e ituanuatsh.
- Tshetshi uanisse kashtinekanitsh tshetshi apinuanatsh.
- Tshetshi atussanuatsh
- Tshetshi tipelitamuk tshilanu e pakassitishunauatsh.
- Tshetshi eka tshishikashunauatsh tshishkutamatsheun.
- Tshetshi eka tshishikashinuanatsh ne ka ishinikatetsh taxes.
- Tshetshi tshishpeuatukuik kie tshetshi tat auen tshetshi uauitshikuin.
- Tshetshi eka shuk alimitshitakanitsh mitshim.
- Tshetshi tshilanu tipelimitishuik, naushunamuk e itelitamuk.
- Tshetshi tutakanitsh muhk ua tutakanitsh.
- Tshetshi ilniunauatsh
- Tshetshi takuatsh peiku apit nite katakuhimatshauatsh (mishta-utenatsh ka apitau)
- Tshetshi uanisse itutanuatsh nite katshiphikaniss eka mashinatuhutishunauatsh.
- Tshetshi utinekanitsh muhk eshi aimahanuatsh.

Ashu pashtinekanitsh tshisselitamun, auassatsh/ussinitishuatsh, ussinitishuatsh kuessipan tshi atussetau natshehash, peikutenu kie tshishkutamatsheun

- Tipelimitishun nite peikutenatsh (ashpitishimun an e mamu tanuatsh).
- Tipelimitishun mamu aitunauatsh tshetshi tshishpeuatakanitsh nite Tipelimitishunitsh.
- Tipelimitishun tshetshi tshiuetau kau nite e tatau utshielimakanau.

Shakutshiteieshkakanitsh e ui mashinashit auen (kassinu ilnuatsh)

- Tshetshi Peikuitsh ishilniunuanuatsh.
- Tshetshi nashtunuakanit auen miam Pekuakamiulnu.
- Tshetshi tapuetatishunuanuatsh tshitipelimitishuik.
- Ilnuatsh aitsh ka apitau takunilu tshetshi kashtinikau tapishkuatsh tipelimitishuna miam ute ilnussihtsh ka apitau.
- Tshetshi eka tshishikashinuanuatsh e akushipitein, e akushinuanuatsh.
- Tshetshi eka tshikashinuanuatsh natukulina.
- Tshetshi miluanuatsh uitishitun e ui manukashinuanuatsh aitsh e apinuanuatsh.
- Tshetshi miluanuatsh uitishiueuna uhtenatsh tshetshi eka muhk itutanuatsh ute Mashteuiatsh.

TIPELIMITISHUNA TSHETSHI SHUTSHELITAKUATSH NITE TIPELIMITISHUN

Ashu pashtinekanitsh tshisselitamun, auassatsh/ussinitishuatsh, ussinitishuatsh kuessipan tshi atusseta natshehash, peikutenu kie tshishkutamatsheun

- Tshishtin tshetshi nishtuapatakanitsh ne e ui nituapamakanit kupaniesht miam ueshkatsh katshi aitunuanuatsh
- Tshetshi takuhimatishuik e mamu aitunuanuatsh.

TSHEKUAN MAHK

Apu alu tshialamutakanitsh ume kukuetschimun.

KUTAKA KAITUANUATSH

Assi kie uashka e tanuatsh

- Kananakatshishtatau tshitassinu tshipa takunilu tshetshi alu shutishimikanilitsh utatusseunuau.

Matinimatun, ishpitelitamun, uitishitun kie tapishkuatsh e tshitapamatishunuanuatsh

- Tshetshi kau tshitapatakanitsh e ishinakuatsh nitetshe miluelimun; takunitshe tshetshi alu milu-tutakanitsh nite kaitishakanitau auassatsh kamatshitutakau.

Ashu pashtinekanitsh tshisselitamun, auassatsh/ussinitshuatsh, ussinitshuatsh kuessipan tshiatusetau natshehash, peikutenu kie tshishkutamatsheun

- Uilishtamuau pitima tshetshi milakanitau mitshuapilu nitshenitsh ute taship ka apitau Mashteuiatsh.
- Ne e ui kashtinekanitsh tshetshi tshishkutamatishunuanuatsh, eukuan uesh ne tshetshi milakanitau auassatsh tshisselitamuna eluetsh apishish nelu utilnu-aitun e tipelitalak.

Shakutshiteieshkakanitsh e ui mashinashit auen (kassinu ilnuatsh)

- Utishitun tshetshi manukashutau nitshenitsh ilnuatsh aitsh ka apitau.
- Tshetshi mamuhitutau kie aitutau ilnuatsh ka apitau nite mishta-ughtenatsh.
- Tshetshi tshisselitakushutau ; nishtunekanitsh nehi shuk ka ui kashtinekanitsh e mishta-apatitsh tshekuan takuan tshetshi apatelitakanitsh.

KUKUETSHIMUN 4 : Tshipa takuan a passe tipelimitishuna ushkatsh e apatitsh e tshitapakanitsh kutaka tipelimitishuna? Tshetsh tipelimitishuna? Tshetsh takuan mahk?

Tipelitamuna tshetshi ushkatsh apatelitakanitsh

Ilnu-aimun mahk ilnu-aitun

- Tshetshi nishtuapakanitsh Peikuitsh e ishinakutsh
- Tshetshi kashtinekanitsh ilnu-aitun kie ilnu-aimun.
- Tshetshi tshimitakanitsh apikuashun ute Mashteuiatsh.
- Tshetshi milu-kanuelitakanitsh kie nehluenuanuatsh. Tshetshi tshishelnuatsh takunilitsh tipelimitishuna.
- Tshipa teu kauaeshtat e nishtunek nelu aimunilu e uhtshipalitsh uaeshtashun kie e nehluet, tshetshi petsh uauitamuat Pekuakamiulnuatsh.
- Tshetshi ilnu-aitun tutakanitsh
- Tshetshi nehluenuanuatsh

Assi kie uashka itanuatsch

- Mishue e tanuatsh tshetshi miluelimunuanuatsh
- Tshetshi uanisse kushpinuanuatsh
- Tshetshi tipelitamuk takuhikan e tshitapakanitsh minashkuatsh ka takuatsh.
- Tshetshi ashu-milukuik shuliau e kaniupal minashkuatsh, mamu tipelimitishun.
- Tshipa mishta-shutshishinanu tshilanu Pekuakamiulnuatsh e mamuhituik tshetshi tshishpeuatamuk, e ashinehikuik nuhtshimitsh e taik.

Matinimatun, ishpitelitamun, uitishitun kie tapishkuatsh e tshitapamatishunanuatsh

- Tshetshi tshisselitakuatsh tan e ishinakushik
- Tshetshi kashtinekanitsh eshpish eishi apashtakanitsh uitishiuna.
- Tshetshi tapishkuatsh tshitapamakanitau napeuatsh kie ishkuatsh.
- Tshetshi takuatsh atusseuna e nukuatsh tshuelutishiunu kanashumuk.
- Tshetshi tipelimitishuik.
- Papeiku Pekuakamiulnu tshetshi aimit, tshetshi uanisse kushpit, tshetshi mishtikutshuapihtsh makie uitsh, tshetshi kie ui uitishiuetau e ilnu-aitunanunilitsh nitshenitsh utshiluemakana.
- Tipelitamun tshetshi atshitashun metuanuatsh, shuliau metueunitshuapa casinos ka ishinikatekau.

Ashu pashtinekanitsh tshisselitamun, auassatsh/ussinitishuatsh, ussinitishuatsh kuessipan tshi atussetau natshehash, peikutenu kie tshishkutumatshheun

- Tshetshi takuatsh tshishkutumatshishun miam e ishinakushik.

Shakutshiteieshkakanitsh e ui mashinashit auen (kassinu ilnuatsh)

- Tshetshi eka mamu atussanuatsh, tshilanu Pekuakamiulnuatsh, kie tshetshi mahk eka tutamuk ashitsh kutakatsh ilnuatsh Peikuitsh ka ishilniutau?

TSHEKUAN MAHK – TSHEKUAN TSHE ISHINAKUATSH

Assi kie uashka itanuatsh

- Tshetshi itanuatsh ehe makie mauatsh passe ui mashtuepalitakanitsh tshetshianihi.
- Tshetshi kushpinanuatsh kie tshishpeuatakanitsh assi e tshitapatakanitsh nitetshe mashtuepalitun kie nanatuapatamun; takuan kie mishau pakassun-shuliau tshinituapatamuk. Takuan tshetshi ishpitelitakanitsh, tshetshi uapataliuanuatsh ilnu-aitun kie ashu pashtinekanitsh tshisselitamun.
- Nipi eukuan uesh ne uelutishiun e mishta-apatitsh.

Shakutshiteieshkakanitsh e ui mashinashit auen (kassinu ilnuatsh)

- Ute ilnussitsh, takuan assi alu e mishekanilitsh nitshenitsh nelu eka tan katshi kushpitau.

KUTAKA KAITUANUATSH

Assi kie uashka itanuatsch

- Ne ut shutishimikan ne tshitshissinuatschitashunu, ut mahk kuakushuakanashku
- Tshipa uanisse ishpalu takuanikupan assi tshishauashinakuatsch.

Matinimatun, ishpiteletamun, uitishitun kie tapishkuatsch e tshitapamatishunanuatsch

- Takuan a tshitipelimitishunua anuhtshish?
- Mamu ilnuatsch tipelimitishuna kie papeiku ilnu tipelimitishuna. Tshika takuan tshetshi milushtakanitsh tshetshi milu-nishtutakanitsh.

Shakutshiteieshkakanitsh e ui mashinashit auen (kassinu ilnuatsch)

- Ne uepashtashun k kanuelitamuk anuhtshish nishtunekanu tanite uhtshipalitsh ei nelu muhk ka atussetau nite Pekuakamiulnuatsch Takuhikan.
- Tshetshi mishkakanitsh tan tshipa ituanun kie tshetshi kaniuhakanit auen.
- Shash 40 pipuna eshi natapishtutatishtunanuatsch, mitatelitakun e ushkatsh apitelitakuatsch ne Tipelimitishun.
- Ne mashinaikaniss kamashinashitau kapeiku-atusseshtatishutau, apu tshinehlushtetsh; tshipa takuan mahk uil tshetshi ishinakuatsch.

NISHT^U KA ATUSSESHTAKANITSH KUKUETSHIMUEUN NITE ATUSSEUN-KATSHITAPATAKANITSH

Ume tsheshtuapatakanu tshetshi tshisselitakanitsh kapihtutepalitatau umaminelitamunuau ilnuatsh ne kukuetschimueun nite katakuatsh atusseu-tshitapatakanitsh, katutakau nitshenitsh ka atusseshtakau Tipelimitishun mekuatsh ka atusseshtakanitsh ushkatsh atusseun nite kanatapishtuhatau ilnuatsh. Kie mahk tan tshipa ishinakushuatsh kapashtinikau utaimunuau nite kukuetschimueun, uapataliuanun passe kauluipalitakanitsh tshipatshi tipahikanu nehi eukuan mahk tshisselitakanitsh passe tapishkuatsh kaituanuatsh.

Kie mahk muhk an tsheshtuapatamun, atihitsh mahk utinekanu muhk ne e tshitapatakanitsh kassinu kaituanuatsh nite katakuatsh tshetshi nanitu tshisselitakanitsh tshetshi uauapatakanitsh.

Tan ishinakushutau kapashtinikau utaimunuau

Nitshenitsh ishkueuatsh 74 kapashtinikau utaimunuau nite atusseu-tshitapatakanitsh, 70 % kaituanuatsh nitshenitsh kie alu 86 % ka ituanuatsh auenitshenitsh kie nitshe ussinitshuatsh kie napeuatsh, ishkueuatsh.

75% ka ituanuatsh kapashtinikau utaimunuau nite tapanitsh assihtsh Saguenay-Lac-Saint-Jean kaishinikatetsh; 51% kaituanuatsh kassinu kapashtinikau utaimunuau ute Mashteuiatsh.

Kassinu kauluipalitakanitsh katipahikanitsh

E ashushtakanitsh makie nite e uhtshipalitsh mamu ume (ushkatsh e ashpitishimunuanuatsh mahk uelutishiuna) kaituanuatsh tshetshi takuatsh nite atusseunitsh ne ushkatsh aimun, kapashtinekau utaimunuau nelu kakukuetschimuakanitau uapataliuepanitsh tan eshi tapuetakau umelu ka eshi ituanuatsh :

- Alu 68% ka ituanuatsh nitshenitsh kapashtinekau utaimunuau tapuetamupanitsh tshetshi tshishpeuatakanitsh ne nehluen mishta-tapuetamupanitsh nelu.
- Alu 87% ka ituanuatsh nitshenitsh kapashtinekau utaimunuau tapuetamupanitsh tshetshi mishta-iakua tutakanitsh mishue uashka mishta-tapuetamupanitsh nelu.
- Uiesh 70% ka ituanuatsh nitshenitsh kapashtinekau utaimunuau ituepanitsh mitshetuatsch kauetshitau aitsch ilnuatsh ute katatau tshilanu ilnuatsh Peikuitsh ka ishilniuk mishta- tapuetamupanitsh nelu.
- Alu 37% kaituanuatsh nitshenitsh kapashtinekau utaimunuau ituepanitsh muhk passe tapuetamupanitsh e alamutakanitsh ne eshi tshitapatakanitsh ilnu ka eshi aimihat.

- Uiesh 53% kaituanuatsh nitshenitsh kapashtinekau utaimunuau mishta-tapuetamuatsh nelu tshetshi mamu e tanuatsh ashitsh Uepishtukueiau kakushessatsh kie kashinikashutau canadiens eik^u mahk uiesh 70% kaituanuatsh mishta-tapuetamuatsh tshetshi mamu e tanuatsh ashitsh kassinu ilnuatsh aitsh ilnussitsh katatau nitshenitsh ilnuatsh Peikuitsh ka ishilniutau.
- Ne e alamutakanitsh aianishkatsh tshilanu Ilnuatsh Peikuitsh ka ishilniuk eshkueka takushinitau nitshenitsh tshishe mishtukushuatsh, uiesh 70% kaituanuatsh nitshenitsh kapashtinekau utaimunuau ituepanitsh e mishta-tapuetakau. Kie miam itashuatsh, nitshenitsh kapashtinekau utaimunuau kakukuetshimakanitau ituepanitsh mishta-tapuetamuatsh nelu aianishkatsh katshi takushinitau tshishe mishtukushuatsh.
- Uiesh 93% kaituanuatsh nitshenitsh kapashtinekau utaimunuau ituepanitsh umelu nikanitsh eshi tshitapatakanitsh tshitilniunu tshilanu ne ilnuatsh Peikuitsh ka ishilniuk.

Kapashtinekau utaimunuau nite kukuetshimueun takunipan tshetshi ituetau umelu Pekuakamiulnuatsh e peiku-mashinashutau ilnuatsh Peikuitsh ka ishilniutau makie mamuhituatsh ilnu/innu Peikuitsh ka ishilniutau.

- Uiesh 65% ka ituanuatsh nitshenitsh kapashtinekau utaimunuau itueuatsh nitshenitsh Pekuakamiulnuatsh peiku-mashinashuatsh ilnuatsh Peikuitsh ka ishilniutau.
- Uiesh 79% ka ituanuatsh nitshenitsh kapashtinekau utaimunuau itueuatsh nitshenitsh Pekuakamiulnuatsh mamuhituatsh ashitsh ilnu/innu Peikuitsh ka ishilniutau.

Alu 62% ka ituanuatsh nitshenitsh kapashtinekau utaimunuau tapuetamuatsh nelu tshetshi takunilitsh aimunilu kaishpiteljitatkatsh tshetshi tshisseljitatkutsh tanite uehtitau Pekuakamiulnuatsh Peikuitsh ka ishilniutau.

Uiesh 83% ka ituanuatsh nitshenitsh kapashtinekau tapuetamuatsh tshetshi nitshenitsh Pekuakamiulnuatsh ilnuatsh Peikuitsh ka ishilniutau tshetshi takunilitsh utshissinuatitashunuau tshetshi tshisseljitatkutsh tanite uehtitau.

Ne kaishinikatetsh Takuhikan mashinaikan Pekuakamiulnuatsh utilnu-aitunuau, katapuetakanitsh nane 31 uhpuhu-pishim^u 2005, takuan nite e mitshenikau ushkatsh e ashipitishimunuanuatsh kie uelutishiuna. Ume ishinakunilu papeik^u e apatinekau uelutishiuna katshi ishpiteljitakau nitshenitsh kapashtinekau utaimunuau, mishta-tapuetamuatsh nelu :

- Uiesh 93% kaituanuatsh itueuatsh nelu ishpiteljitamunilu nikanishtelu kie ume kutak alu 91% kaituanuatsh nelu uauitishitunilu kie mahk alu 88% ka ituanuatsh nelu matinuautunilu.
- E alamutakanitsh ne e shatishakanitau auassatsh, mamineljitshikan mamu apinuanuatsh (peikutenu), mamineljitshikan mamuhitunuanuatsh (ilnussitsh) kie nite e mamu tshitapamitishunuanuatsh, uiesh 80% ka ituanuatsh nitshenitsh kapashtinekau utaimunuau mishta-tapuetamuatsh nelu.

- Ne ushkatsh ashpitishimuna alu e apatelitakanitsh umehi e tshitapakanitsh mamuhitunuanuatsh (mamu apinuanuatsh), e tapuetatishunuanuatsh, milu-uaveshtashun, milu- nashekanitsh, ishpiteimitishunuanuatsh, ashineun, shukatelitakushit auen, tshetshi miam uihtakanitsh ui ashu-miluanuatsh aimuna, e milu-tutuakanitau kassinu auenitshenitsh kie tshetshi eka mashikatunuanuatsh, ishinakuan miam ume : alu 23% kapashtinekau utaimunuaua itelitanuatsh tshetshi nikanishitetsh nelu ashineun, ek^u mahk tshetshi milu- nashekanitsh 17,39% kaituanuatsh kie ume shukatelitakushit 13% kaituanuatsh.

Tipelimitishuna kie uanisse tshetshi tutakanitsh shash nite takuan ne kaishinikatekau Chartes Canadiennes, québécoises mahk nations unies ka ishinikatekau tshipa takuan nite Pekuakamiulnuatsh Tipelimitishun. Kapashtinekau utaimunuau tshekatsh kassinu mishta-tapuetamupanitsh nelu makie passe tapuetamupanitsh nelu e ashpitishimunanulitsh.

Mamitshen tipelimitishuna tshika takuan nite Pekuakamiulnuatsh Tipelimitishun. E mishta-tapuetakanitsh, ushkatsh takuatsh mashinateu kamitshetuau ituanuatsh ekue tshilashipalitsh ka atshitashunuanuatsh, nelu alu kaishpitelitatekau nitshenitsh kapashtinekau utaimunuau nite kukuetshimueun:

- Tshetshi tshishkutamatishunuanuatsh (95,16% kaituanuatsh)
- Tshetshi uihtakanitsh kassinu aimun kie tshetshi miam ituanuatsh (91,80% kaituanuatsh)
- Tshetshi milunakutakanitsh assi (ishpitelitakanitsh assi (91,67% kaituanuatsh))
- Tapishkuatsh e ishinakuatsh 87,10% (kaituanuatsh), tshetshi uashka milunakuatsh (tshetshi miu-ilniunuanuatsh kie miluelimunanuatsh) kie tshetshi takuatsh tipelitamuna e atussanuatsh tshetshi ishpiteilitakanitsh ishpiteilitamun mahk milu-nashekanitsh tapishkuatsh takuan.
- Uiesh 87% (kaituanuatsh) nitshenitsh kapashtinekau utaimunuau nikanishtauatsh umelu tshetshi uanisse kushpinuanuatsh.

Mashtel ume, ne e tshitapakanitsh e tapuetakanitsh nehi tshetshi tutakanitsh tshika takuan tshimashinatahikanitsh nite Pekuakamiulnuatsh Tipelimitishun, nitshenitsh kapashtinekau utaimunuau nite kukuetshimueun itueupanitsh (e mishta-tapuetakau) :

- Tshetshi nanakatuelitakanitsh kie ishpiteilitakanitsh Tshitassinu (assi kanikatamakuik) mishta-apatelitamupanitsh nelu uiesh 87,10% (ka ituanuatsh);
- Tshetshi e nanitu tshipihatakushtaht e utshimaukanuatsh apatelitamuatsh nelu uiesh 83,87% (kaituanuatsh);
- 82,26% (kaituanuatsh) nitshenitsh kapashtinekau utaimunuau mishta-tapuetamupanitsh tshetshi nanakatuelitak uashka;
- 80,65% (kaituanuatsh) nitshenitsh kapashtinekau utaimunuau mishta-tapuetamupanitsh tshetshi tshishkutamatishunuanuatsh, ashu pashtinekanitsh

- tshisselitamun kie tshishpeuatakanitsh kanakatamakuik utilnu-aitunuau kie ka eshi tipatshimunuanuatsh Pekuakamiulnuatsh katipelitakau;
- Alu 70% (kaituanuatsh) nitshenitsh kapashtinekau utaimunuau nikanishtauatsh ispitelitamunilu kie tshetshi shutishimikanilitsh uelutishiuna kie tipelimitishuna katshi taship kanuelitakau Pekuakamiulnuatsh;
 - Alu 66% (kaituanuatsh) nitshenitsh kapashtinekau utaimunuau tshetshi uauitishuetau nite ilnussitsh e eshi pukutatau kie tshetshi pukutat;
 - Uiesh 65% (kaituanuatsh) nitshenitsh kapashtinekau utaimunuau nikanishtauatsh nelu ashu pashtinekanitsh tshisselitamun kie nehlue-tshishkutamatun;

EUKUAN ISHKUATSH UME MASHINAHIKAN ATUSSEUN KIE TAN KATSHI ITELITAKANITSH KAUPATALIUANUATSH NANE 14 PISHIMUSS 2019

Mekuatsh katshi aieshkushtakanitsh tshe mishta-uashka apinuanatsh tshetshi aimihitunanuatsh kie tshiue-aimihitunanuatsh nane 14 pishimuss 2019, nitshenitsh ka atussetau nishtutatishupanitsh tshetshi takuanilitsh kutuasht (6) eshi tshishtapalitakanitsh nite uhtshipalitsh ushkatsh atusseun. Eukuan mahk ume ka itelitakanitsh tshe pehtakanitsh e tanuatsh, kie mashinatahikanipan ka ituanuatsh katshi upataliuuanuatsh.

Ushkatsh katshishtapalitakanitsh

Ne Nehlueun ishpitelitakuan kie takuan tshetshi tshishpeuatakanitsh eka kie uhpime alahakanit auen nite tshilanu ilnuatsh Peikuitsh ka ishilniuk. Takuan kie tshetshi eshi tshitapakanitsh ilnu-aitun tshetshi ashpitishimunuanatsh nite tshitipelimitishunu.

Auen eka nehluet itelitam^u nelu ilnu-aitun kie nelu nehluen taship katshi mamu kanuelitamuhk Ne ashu pashtinekanitsh tshisseilitamun ilnu-aimun takuan kie tshetshi ashu pashtinekanitsh tshisselitamun ilnu-aitun.

Ituanun tshetshi ne kamashinatetsh tshetshi nehlshtakanitsh kie tshetshi mashinatetsh ne e nishutau aimuna tshetshi tshishtin kassinu ilnuatsh nashtutakau kie tshetshi mishkatishutau kassinu auenitshenitsh. Ituanun kie tshetshi mashinatahikanitsh aimuna ua ituanuatsh e nehlshtetsh mahk tshetshi mishtikushiushtetsh e iapishishiushtetsh.

Katshi ituanuatsh ne ilnu-aimun e mishta-lashipalitsh. Kanehluetau apu iatsh tatau alu 15% (kaituanautsh). Mashteuiatsh unitin ilnu-aimun kie mahk auassatsh mishtikushiu-aimuatsh. Apu mitshetutau kanehluetau. Tshunihanuatsh tshishelnuatsh kie nitshenitsh ka eshi tatipipuneshutau 60-80 nehluematsh apishish. Ituanun tshetshi natshishkatunuanuatsh mamu nitshenitsh kanehluetau.

Ituanun ne nehluen mishta-apatelitakanu. Takuan tshetshi tutakanitsh tshekuan tshetshi ilniumikatsh. Takuan tshe mishkakanitsh tshekuan tshetshi tshishtin ilniumikatsh. Tshe nipimikatsh ilnu-aimun, ilnuatsh Peikuitsh ka ishilniutau apu takunilitsh ilnu-aitunilu.

Ituanun tshetshi natuapatakanitsh uitishitun aitsh kutaka ilnussihtsh. Ne eshi tutakanitsh tshipa ushumututakanu tshetilnu-aimunu. Takuan tshetshi nishtutakanitsh ilnu-aitun tshetshi tshishtin shaputuepalitaik.

Katshishkutamuakanit, ussinitishu itueu apu tshikutsh tshishkutamuakanit ilnu-aimunilu. Ne e ituet uil, eka takuatsh ilnu-aimun, tshunitananu ka ilnu eshinakutshik. Mekuatsh ushkuishtam^u tshetshi kau kashtinimuk tshetilnu-aimuninu.

Nehlunanun ute e aiminuanatsh. Ne e eshi tshisselitakanitsh e nehlshtetsh ne e eshi itushtetsh miam anuhtshish apu miam ueshkatsh katshi itushtetsh. Kie mahk, e aiminuanatsh kie e mashinatahikanitsh nass apu miam ishinakuatsh. Ituanun tshetshi mamu apinuanatsh tshiatusseshtakanitsh tshetshi tshitapatakanitsh e nehlshtetsh. Nitshenitsh tshe mamu atussetau tshika takuan tshetshi muhk ka nehluetau tshi mamu apitau. Ituanun kie ne Shashish nehluen (nuhtshimiu-nehluen) aiminanun kie mashinatahakanu eshk^u anuhtshish.

Nish^u katshishtapalitakanitsh

Ne Tipelimitishun tshipa takuan tshetshi alu nukutakanitsh nikan-ilniun e ashpitishumunanuatsh ne tshuelutishiunu tshitipatshimunu kaishilniuiik kie e nashekanilitsh tshitanishkutapaminuatsh umeshkanaumau.

Ituanun tshetshi maminelimikuatsh tshitaussiminuatsh kie mahk tshishtin eshk^u tshika ilniunanu aishkatsh.

Ituanun tshetshi kau mamineltamuk tshitipelimitishunu kie tshetshi tshitapatakanitsh aianishkatsh tshetshi ilniunanuatsh aishkatsh tshitapatamuk.

E tshitapatakanitsh katshi nametaik tshetshi nakatamuk tshinametaunu anutshish kie mahk tshetshi meshkanatsheik nikanitsh e tshitapatakanitsh.

Nisht^u katshishtapalitakanitsh

Tshitassinu taship tshetilnu-aitunu tshinashenanu kie mahk tshika takuan tshetshi nishtuapatakanitsh kie tshishpeuatakanitsh.

Ituanun tshetshi tshishauatelitakuatsh. Tshitassinu tshipa takuan tshetshi nishtuapatakanitsh kie ne nametauna nite e takuatsh mamu ne ashitsh tshetilnu-aitunu. Nuhtshimiu-aimun kie tshetilnu-tipatshimunu tapishkuatsh nite takuan.

Ituanun tshetshi kau kashtinamuk ne e nishtutakuatsh ne kaituanuatsh tshetshi tshishpeuatakanitsh assi. Tapuetatishunanun e ituanuatsh assi tshitipelimukunu, muhk mahk uil, takuan tshetshi maminelitakanitsh e ishinakuatsh ne tshitassinu nite e takuatsh kakusheshiu-assihtsh, mishta-assi... takuan tshetshi utinamuk ume tshilanu tshetshi tshissinuatshitakanitsh assi tshetshi eka utinamakuik.

Ituanun e apatelitakuatsh tshetshi tshishpeuatakanitsh tshitassinu kie tshetshi nishtuapatakanitsh Uepishtakuiou-tshishe-utshimau milueu tipelitamunilu kie utinimatishu tipelitamunilu miam ne : tshetshi eka tshishpeuatat nuhtshimiu-atik^u. Takuan tshetshi

tshishpeuatimuk tshitassinu usham eukuan nite e utshipalitsh tshitilnu-aitunu. Ituanun tshetshi nishtuapatakanitsh ne assi tshetshi mashinatuhutishunauatsh nitetshe uaueshtashun.

Ituanun tshitilnu-aimunu nite utshipalu nuhtshimitsh kie tshitipatshimunu. Takuan tshetshi mishkakanitsh tshetshi tshishtin tshishpeuatakanitsh ilnu-aimun kie mahk tshitassinu. (ituanun mekuatsh ne kanatshipishtututishunauatsh ei an tipelimitishun shash e kashtinekanitsh kie ne ka ishinikatetsh jurisdiction des affaires de la Première Nation natshehash tshika takuan).

Neu katshishtapalitanitsh

Uelutishiuna tshetshi nishtunatishuik katshi taship ishinakuatsh eshk^u takuan anutshish. (Ume e tshitapatakanitsh (Nite utshipalu : Takuhikan mashinaikan Pekuakamiulnuatsh utilnu-aitunua)

Ituanun tshetshi mashtuepalitakanitsh alu eshkueka mashtel ka mamu takuatsh aimuna : ne uitishiueun tshetshi milakanitau ilnuatsh Peikuitsh ka ishilniutau. Tshetshi maminelitakanitsh e takuatsh mamu ilnuatsh tipelitamun kie papeik^u ilnu tipelitamuna.

Ituanun ne uelutishiuna tapishkuatsh uil tshishtin ishinakuatsh miam nite Takuhikan mashinaikan Pekuakamiulnuatsh utilnu-aitunua kie tshika tshishtin tapishkuatsh tshika takuan nite tshe mashinatetsh nite Tipelimitishun. Ne uelutishiuna nite Takuhikan mashinaikan Pekuakamiulnuatsh utilnu-aitunua eukuan nite utshipalikau kie mahk takuanilu tshetshi takuhikanitsh kanashekanitsh tshitutakanitsh mekuatsh. Eukuan mahk eshk^u tshikanuelitananu anutshish. Muhk mahk uil, kukuetshimunanun usham itelitakanu e takuatsh kutaka : ne uelutishiuna mishkutshipalu kie apu miam ishinakuatsh miam nite e tanuatsh kie tshipa ishpalu man e takuatsh kutaka uelutishiunu, mishkutshipalu man.

Ituanun kie tshetshi utinekanitsh ne uelutishiuna ne katshitishiun mahk ne shutishiteieun tshetshi mitshiminakanitsh. Tshimishta-atussanu anutshish, miam tshitanishkutapaminuatsh katshi tutakau kie takuan tshetshi shaputuepaliuk.

Tapuetakanu ume kaituanuatsh usham eukuan ne kaishpalitsh tshetshi eshk e taik ute anutshish. Ituanun kie ne e tapuetatishunauatsh e milu-utinakanitsh e matshi-kashtuhuetshtshekuan tshetshi mitshiminakanitsh usham eukuan ne kie katshi eshk e taik ute, anutshish, eukuan mahk ne tshipatshi naushunenanu tan tshipa ishilniunanu papeik^u tshishikatsh kie aishkatsh. Ituanun tshetshi tshishtin ne Takuhikan mashinaikan Pekuakamiulnuatsh utilnu-aitunua tshetshi nashekanitsh ne, aimiheun-mashinahikaniss e apatelitakuatsh kie tshetshi eka nita kau ashu miluanuatsh

Patetatsh katshishtapalitakanitsh

Ilnuatsh Peikuitsh ka ishilniuk, e ilniutau ute Mashteuiatsh makie aitsh, mitelitamuatsh tshetshi tutakau kie tshetshi uauitishuetau. Ne Tipelimitishun tshipa kuetshimuakanuatsh Pekuakamiulnuatsh tshetshi tshishtin tutakau e apatinilitsh tshekualu kie passe e utinimatishutau tshe tutakau e eishi tshitapamatishutau ilnuatsh Peikuitsh ka ishilniutau.

Ituanun e ilnu ishnikatishunuanuatsh nite utshipalu taship ka ishilniuk, e nehluetik kie ui uitishinuanuatsh.

Ituanun nitshenitsh ilnuatsh Peikuitsh ka ishilniutau mitelitamuatsh tshetshi tshishtin kie utinimatishuatsh tshetshi uauitishuetau. Ituanun tshetshi milu-naushunekanitsh aimuna kie tshetshi mishta-milu-naushunekanitsh aimuna tshetshi eka aitsh ituanuatsh.

Ituanun ne e naushunekanitsh aimuna mishta-apatelitikuan. Takuan tshetshi auenitshenitsh mitelitikau e ishpish ishpitelitakuatsh usham takuan tshetshi nashpitsh tutakanitsh. Kie mahk, aitsh e tanuatsh, mitelitikuan tshetshi tapuetakuin. Alimin aitsh e uetshinuanuatsh. E tapuetakuin takuan tshetshi ishpalitsh e ui kashtinemin kaituelitamin kie tshishtin ishpalu nite e miluelimunanuatsh kie ishinkuan e apatelitakuatsh ne takuatsh tshetshi tutamuk tshitipelimitishunu.

Ituanun tshetshi iakua tutakanitsh e nehlshtakanitsh aimuna. Eka milu-nishtutakanitsh tshipatshi ishpalu eka miam ituanuatsh.

Ituanun tshetshi tshishtin nite Tipelimitishun tshetshi mamitunelitamukuik tshe tutakanitsh tshitatusseunua kie utinekanitsh e ui tutakanitsh. Tan mahk tshipa ishinkuan?

Ituanun ne Tipelimitishun tshipatshi nehlshtet aiapishish tipatshimuniss tshetshi tshishtin miam nishtutakuatsh kassinu auenitshenitsh.

Kutuasht katshishtapalitakanitsh

Katshi tshisselitakanitsh kamamushtakanitsh kaituanuatsh, alimin tshetshi uauitakanitsh kuishk tshek tipelimitishuna tshipa takuan nite Tshitipelimitishunu. Muhk mahk uil, nuapatenan tshekatsh kassinu kaitishuetau itelitamuatsh tshetshi milu-tshitapatakanitsh pitima ume kaishinikatetsh Déclaration des Nations-Unies sur les droits des peuples autochtones, kie mahk tshipa tshitapakanu nehi kaishinikatekau chartes canadiennes mahk québécoises.

Ne kaishinikatetsh La Charte du Canada takuan a ne? Ne charte kaituanuatsh takuan an. Ituanun ne Tipelimitishun ilnuatsh Peikuitsh ka ishilniutau tshetshi tshishtin mashinatetsh nite Nations Unies ka ishinkatetsh. Ituanun ne Canada ka ishinkatetsh takuanilu tipelimitishunilu ne mahk Uepishtikueiaussitsh takuanilu ka ishinkatetsh Charte.

Alamutekanu uitishiueuna.... tshek uitishiun an? Kie ituanun nite katakuatsh uitishituna ne kaituanuatsh tshetshi kanuelitakanitsh e kuetshimunanuatsh ka apatitsh tshetshi kashtinekanitsh uitishiuna kie ituanun tshetshi tshishtin kau tshitapatakanitsh kakuetshimunanuatsh. Ne Tipelimitishun tshipa mamu ishpiteлимakanuatsh kassinu ilnuatsh Peikuitsh ka ishilniutau. Ituanun kie tshimamuhitunanuatsh tshetshi milu-tshisselitakanitsh tshekuan ne kamashinatetsh nite e takuatsh Tipelimitishun. Ne kamashinatetsh nite kaishinikatetsh Droits des peuples Autochtones ka nishtuapatakau ONU kaishinikatetsh. Tshipa takuan tshetshi naushunekanitsh e mishta-itelitakuatsh nite e tshitapatakanitsh mashinahikana.

Tshika takuan tshetshi mishkakanitsh tshekuan tshetshi ua mishkutshipalitakanitsh aimuna nite Tipelimitishun tshipa apatanilu aishkatsh tshe tanuatsh. Ituanun tshika alamutakanu ne kaituanuatsh tshe uapatamuk atusseun 3.